

Gasteizko blusek bat egin dute 'Bai Euskal Herriari' ekimenarekin

Abuztuaren 6an 'Bai egunean' parte hartzeko deialdia egin dute

Ivan Santamaria / Gasteiz

Jai egun berezia zen atzokoa gasteiztarrentzat. Hiriko jaiak laster hasiko dira —abuztuaren 4an— eta blusek beren eguna ospatu zuten atzo, Santiago egunean. Ospakizuna Bai Euskal Herriari ekimenari babesa emateko baliatu zuten blusek. Halaber, datorren abuztuaren 6an Gasteizko jaien barruan egingo den *Bai egunean* parte hartzera deitu zuten blusen ordezkariak.

ALDARRIKAPENA eta jaia bateragarriak direla erakutsi nahi izan zuten Gasteizko koadrilek atzoko ekitaldiaren bidez. Hala, uztailaren 1ean Iruñeko peñek egin zuten legez, *Bai Euskal Herriari* ekimenari babesa azaldu zion Gasteizko blusen elkarteak, haren ordezkarien sinadura publikoen bidez. Eurijasa ikusgarria baziharduen ere, ez zuten hitzordua ahaztu.

Iñaki Perez de San Vicente blusen elkarteko lehendakariak konpromisoa berrestera deitu zien Bilboko konpartsei eta Donostiako kuadrilei. Gasteizko blusen artean hogeit hamar kuadrila baino gehiago daude, eta 2.000 lagun inguru biltzen dituzte.

Hala ere, atzokoa ez da izango Udalbiltzari euskal nortasun agiri nazionala eskatzeko blusek egingo duten ekintza bakarra. Gasteizko jaien barruan ere haien atxikimendua azalduko dute *Bai eguna* deritzonarekin, abuztuaren 6an.

Ikurrinaren omenaldia, polemika iturri

Abuztuaren 6ko ekitaldi garrantzitsuena eguerdian, 13:30ean, Ikurrinari egingo zaion omenaldia izango da. Polemika piztu duen ekitaldia izango da. Izan ere, Gasteizko Udalak —PP eta UA daude agintean— jaietako programa ofizialetik ezabatu



MIREN SAEZ

Gasteizko Blusen elkarteko kideak 'Bai Euskal Herriari' ekimenari sinadura ematen.

IÑAKI PEREZ DE SAN VICENTE

■ ■ ■ «Blusen elkarteak bat egiten du 'Bai Euskal Herriari' herri ekimenaren helburuarekin. Era berean, konpromisoa berrestera deitzen ditugu Donostiako kuadrilak eta Bilboko konpartsak»

egin zuen ekimena, eta horrek blusen haserrea piztu du. «Esan nahi dugu beste zentsura mota bat izan dela Udalaren aldetik. Dena den, geure asmoa ekimenarekin aurrera jarraitzea da, eta omenaldia egingo da», ziurta-

tu zuen blusen elkarteko ordezkariak.

Bai Euskal Herriari plataformako kideek azpimarratzen zuten, «ekimen demokratikoa eta baketsua da, norberaren atxikimendu askean oinarritua».

Sinadura bilketarekin bat egin ahal izateko, Euskal Herri osoan mahaia jartzen ari dira bultzatzaileak. Era berean, lau posta kutxatila zabaldu dituzte, bana Hego Euskal Herriko herrialde bakoitzerako. Gainera, zenbait taberna eta dendetan ere sina daiteke.

Plataformaren xedea «euskal nortasuna» aldarrikatzea da, «Espainiako eta Frantziako estatuetatik datozen inposaketa antidemokrati-koen gainetik». Ildo horri jarraiki, bi estatuen aurrean «desobedientzia zibila» bultzatzen du *Bai Euskal Herriari* ekimenak.

zintzarria

munduko musiken Xareta 1go jaialdia

zugarramurdi. uztailak 29, 30

ANTOLATZAILEA: **10 Egunkaria** urte

hijas del sol
luar na lubre
septeto santiaguero
oskorri
alaitz eta maider
erdi aroko
azoka...

larunbata 20:00 *jabier muguruza*
20:30 *faltriqueira.GA*
21:10 *etzakit*
22:20 *hijas del sol.ginea*
23:30 *oskorri*
00:40 *luar na lubre.GA*
01:50 *xuia reggae band*

igandea 20:00 *maddi oiherart*
20:30 *pier paul berzaitz*
21:10 *john whelan.UK*
22:20 *septeto santiaguero*
23:30 *eric rigler&bad haggis.eeuu*
00:40 *alaitz eta maider*
www.zintzarria.com

sarrerak jadanik salgai (2.500 pta)
CLUBES CANeko bezeroentzat sarrera: 2.200 pzta.
• urretxindorra (bilbo)
• bilintx - frudisk (donostia)
• arriaga (gasteiz)
• bertso hop (irun)
• xalbador - chaston (iruña)
• mattin (baiona)

InfoClub
901-500 500

